



كنت بحبك مجنون ..!!

مبقاش خلاص يفيد تهديك والوعيد
انك هتسيبنى وحدى وهتبدأ من جديد
كان لو بالبعد تهدد الروح عن جسمى بتبعد
واركع لغرامك واسجد كنت بحبك مجنون
كنت اما معايا بتسهر الروح جوايا بتسهر
كات عتمة ليلي تنور واحلم مع أحلى عيون
ولا يمكن لحظه اتصور انك ممكن تتغير
وانك ع الهجر هتقدر تبعد تغدر وتخون
مكنيتش بتفرق عندى طول ما انت حبيبي لوحدى
وبقول دا سحاب ويعدى احساسى ده كله ظنون
كان لما ف لحظه تكشر لو عز الصيف بتمطر
والشمس تغيب ولا تظهر والتلج يغطى الكون





مبقتش ف نفس غلاوتك لا لسانی بینطق سیرتک
ولا عینی بتعشق صورتک ولا بخضع مهما یكون
ما انت اللى بدأت بهجرى وقتلت زهورى وشجرى
وزرعت العتمه ف فجرى وبقيت على قلبى تهون

